

Tužilaštvo USK, OPTUŽNICA - 07.04.2010.

Ovo Tužilaštvo je dana 07.04.2010. godine Kantonalnom sudu podnijelo optužnicu koja je potvrđena dana 09.04.2010. godine od strane sudije za predhodno saslušanje Kantonalnog suda u Bihaću. protiv:

DESPOT ŽELJKA, sin Bože i majke Jele rođene Sovilj, rođen 05.12.1960.g., u mjestu Donja Prisjeka, općina Ključ, prebiva u naselju Jablan ul. Kozarska bb., općina Laktaši, po nacionalnosti Srbin, državljanin BiH, JMBG0512960102399, po zanimanju stolar, neoženjen, razveden, otac jednog djeteta, pismen sa završenom srednjom školom, bivšu JNA služio 1980.g. u Karlovcu, po činu desetar, vodi se u vojnoj evidenciji pri OMO Laktaši, lošeg imovnog stanja, ranije osuđivan, nalazi se u pritvoru od 18.03.2010.g. a po rješenju Kantonalnog suda u Bihaću broj: KI-27/2000 od 04.01.2001.g.

DA JE

U prvoj polovini augusta 1992.g., tokom rata u Bosni i Hercegovini, u vrijeme oružanog sukoba između Armije R BiH i vojske R Srpske, kao pripadnik vojske R Srpske, suprotno odredbi iz člana 3. stav 1. tačka a Ženevske konvencije o zaštiti građanskih osoba za vrijeme rata od 12. augusta 1949.g., u cilju „razjašnjenja“ okolnosti oko njegovog ranjavanja koje se desilo u naselju Krasulje, općina Ključ 27.05.1992.godine, došao u to naselje i nakon što je pronašao oštećene, civile Bahtagić Envera i Bajramović Ejuba kod njihovih kuća, ove povao navodno u Policijsku stanicu Ključ pa kad su došli na raskršće puteva koji vode prema selu Malbaše odnosno Dujkove Bare, u blizini naselja Ramići, općina Ključ, naredio oštećenima da skrenu prema selu Malbaše, da bi odmah nakon toga, u namjeri da ih liši života, ispalio više kraćih rafala iz automatske puške prema oštećenima, koji su, i to Bahtagić Enver usljed povrede desne noge i lijeve lopatice a Bajramović Ejub usljed razorenja glave, na licu mjesta opisanog događaja ubrzo umrli.

Dakle, za vrijeme rata u Bosni i Hercegovini, kršeći pravila međunarodnog prava izvršio ubistva zatočenih civila.

Čime je počinio krivično djelo - ratni zločin protiv civilnog stanovništva iz člana 142. stav 1. preuzetog KZ-a SFRJ.